

**AGENDRE TRINITATIS**

MINGGU 26 MEI 2024

**1. FANGOWAI BA FOGAONI**

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :  
**SA** : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.  
**SATO** : Ya'ahowu !  
**SA** : Ya faofao khömi Lowalangi...  
**SATO** : Ya fao Khöu Geheha-Nia  
**Fogaoni** :  
**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 14**

**14. SUNO YESU, TASUNO YESU**

do = g 4/4

MM = 88 - 96

1. Suno Yesu, tasuno Yesu, si sö khi tödö  
si lö tebulö-bulö, ba khöda  
lö mamalö-malö, lö mamalö - malö.
2. He So' aya, sebua tödö Ndra' ugö khöma,  
ma' andrö saohagölö ia khö-U.  
Masuno Ndra' ugö, masuno Ndra' ugö.

**2. FANGA'ARO'Ö WA'OWULO (VOTUM)**

- SA** : Da tahnogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

**SATO** : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gaha ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

**SA** : **Manunö** : BZ. : 452**Haleluya..... Haleluya..... Haleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

**3. MANUNÖ moroi ba Mbuku Zinunö Numero 236****236. RONGO WANGANDRÖ DÖDÖGU 1**

do = g 4/4  
MM = 88 - 96

1. Rongo wangandrö dödögu, So ' aya Yesu.  
He göi ira talifusö si no banua-U  
Yesu, Yesu, rongo we' aogu.  
He fe ' ao ndra talifusö, si no banua-U.
2. He Yesu sahakhö tödö, möido föna-Mö.  
Usao' ö ngawalö horö, Ösasai do-Mö.  
*Reff*: Yesu, Yesu, rongo we' aogu...

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II MOZE 3:1-7**

1. Ba kubalo mbiribiri Mose khõ matuania Yetero, hõgõ gere ba danõ Ndraono Midiano. Ba irugi ba wondrege danõ si mate i' ohe mbiribiri, ba irugi hili Lowalangi andrõ, hili Horebi.
2. Ba i' oroma' õ ia khõnia mala' ika Yehowa andrõ ba holahola galitõ, soroi ngafu za' asa' a mao. Ba me ifaigi sibai, ba hiza, humolahola ngafu za' asa' a mao andrõ, ba lõ' õ sa akhozi.
3. Ba imane dõdõnia Mose: Mõido sa mufaigi gangilata sebua andrõ, hana wa lõ akhozi ngafu za' asa' a mao andrõ.
4. Ba me i' ila Yehowa, mõi ia mufaigi, ba mu' ao khõnia Lowalangi moroi ba ngafu za' asa' a mao andrõ, imane: He Mose! He Mose! Ba imane: Ya' e ndra' odo!
5. Ba imane khõnia: Bõi hatõ' õgõ! Heta mbadagaheu ba gahemõ, me no tanõ ni' amoni' õ naha andrõ, ba zi so' õ!
6. Ba imane na: Lowalangi namau ndra' odo, Lowalangi Gaberahamo, Lowalangi Giza' aki, Lowalangi Yakobo. Ba ibalugõ mbawania Mose, me ata' u ia, ifaigi Lowalangi.
7. Ba imane Yehowa: No irege ginõtõ ufaigi wamakao mbanuagu andrõ, si so ba danõ Miserayi, ba no urongo wanganõngarõra andrõ, ena' õ aefa ira ba mandrura andrõ, noa sa u' ila wa' abõlõbõlõ wamakaora andrõ.

Simanö daroma Li Lowalangi, da tatema' õ faoma sinunö: BZ. Numero 20:1

#### BZ. No: 20. MISUNOSUNO ZO' AYA

1. Misunosuno Zo 'aya, mi bè zumange-Nia.  
Mi 'ebua ' õ dõi-Nia, sotõi banua-Nia.  
Me no Ikaoni göi ami, afu mitemawa' au ri, khõ Yesu, Sangorifi.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa' õ lõ horõda, ba talimo ita, ba siduhu lõ' õ ba dödöda. Na ta' ombakha' õ Horõda, ba lõ farõi Ia, ba no satulö Ia, fa' i' efa' õ khõda horö andrõ, ihaogö ita, awö wa' iheta fefu zilö atulö. Andrõ da möi ita föna Lowalangi si fao fangidengide' õ ba wangombakha horõda, (muzizio ita fefu)

#### Mangandrö ita :

He Yehowa Lowalangi, si lõ ambö fa' abõlõ, ba si no fahõna fa' omasi. Mafaduhu' õ wa tenga sinangea ndra' aga tanõ föna-Mö, me no fahõna hörõma si no mafalua i' otarai iraono ndra' aga, he ba wehedema, era' era dödõma, awö gamuatama si lõ faudu ba daroma Li-Mö. Andrõ möiga khõ-U ba wangandrö fa' ahakhö dödö-U, ena' õ Ö' efa' õ khõma horõma andrõ si no mafalua, irege sohahau tödö ndra' aga wanohugö fekolima ba zi so fõnama si faudu ba zomasi

Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

**SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

**SA** : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

**SATO** : Manunö:

## 450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö  
(mudadao zato)

### 6. FOMBASO TAROMA LI LOWALANGI FÖNA HUHÜO (AB)

- : Da tafondrongong daroma Li Lowalangi, tehalö moroi ba zura **I Yohane 5:9-13**
- 9. Na faduhu dödöda ba wamaduhu'ö niha, ba no ebua na wamaduhu'ö Lowalangi; da'ö sa wamaduhu'ö Lowalangi andrö, famaduhu'önia Ononia.
- 10. Khö zamati khö Nono Lowalangi so wamaduhu'ö andrö, ba dödönia. Si lö mamati li Lowalangi, ba no ibali'ö sofaya Lowalangi, me lö nifatinia famaduhu'ö andrö, famaduhu'ö Lowalangi Ononia.
- 11. Ba da'ö wamaduhu'ö andrö: wa no ibe'e khöda Lowalangi wa'auri si lö aetu, awö wa ba khö Nononia so wa'auri andrö.
- 12. Khö zi so Ono andrö, khönia so wa'auri andrö; ba zi lö Ono Lowalangi andrö, ba khönia lö fa'auri andrö.
- 13. Da'ö nisuragu khömi, ena'ö aboto ba dödömi, so khömi wa'auri si lö aetu, khömi samati ba döi Nono Lowalangi andrö.

Ya'ahowu zamondrongo taroma li Lowalangi ba same'e ba dödö.

**SA+SATO** : Yaduhu

### 8. FASÖMBATA

**SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasömbata sanandrosa ba Komisi Ibadah & Evangelisasi. Ba si föföna ua da tafondrongong Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

**SA** : Tafa'ema wasömbata khö Lowalangi, manunö ita moroi ba Mbuku Zinunö **Numero 30**

## 30. BA NA UFAIGI MADALA 1

do = bes 4/4  
MM = 88 - 96

1. Ba na ufaigi madala sihaga, na urongong weugu mbanua. Ba lö aetu wa' ahöli dödögu wangi' ila niwöwöi Yehowa. Lowalangi Fondrege Zebua, suno Ia Halleluya.

Lowalangi Fondrege Zebua, suno Ia Haleluya.

2. He So' aya na u' erönu tödö mbuala-Mö wangefa' ö horö.  
Tokea ndra' o me khögu tetöfaigö nibè Yesu do ni' amoni' ö.  
*Reff:* Lowalangi Fondrege Zebua, ....
3. Na Ikaoni ndra' o dania So' aya, fondrege wa' omuso dödögu.  
Me fefu ni' andrögu no utema, wangi' ila lakhömi-Mö Yesu.  
*Reff:* Lowalangi Fondrege Zebua, ....

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

## 261. YA'E ZUMANGE <sup>1</sup>

*Ira'alawe* □

1. Ya' e zumange fasömbata, ma' ohe sumange Yehowa.

*Iramatua*

- Reff:* Ma'andrö khö-U fahowu'ö zumange ni'ohema khö-Mö
2. Ya'e zumange fasömbata mabe'e soroi ba dödöma.  
*Reff:* Ma'andrö khö-U ....
  3. Ya'e zumange fasömbata buala si'otarai Nama.  
*Reff:* Ma'andrö khö-U ....
  4. Ya'e zumange fasömbata, boto, noso, ba fa'aurima  
*Reff:* Ma'andrö khö-U ....
  5. Ya'e zumange fasömbata, lö irugi zomasi dödö-U.  
*Reff:* Ma'andrö khö-U ....
  6. Ya'e zumange fasömbata, ma'aohasi gölö Zo'aya.  
*Reff:* Ma'andrö khö-U ....

**FANGANDRÖ :** *( Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasaywamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö )*

### 8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- a. Koor Jemaat
  - b. Kegiatan Komisi Perempuan (Koor/Vokal Grup)
  - c. Kegiatan sektor 2 (Koor/Vokal Grup)
  - d.

### 9. MANUNÖ

- SA :** Da tafa'anö dödöda wamondrongo taroma Li Lowalangi, manunö ita moroi  
Ba Mbuku Zinunö **numero 163**

## 163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu  
Mangalulu ndra'odo föna-U ba gametahö-Mö ia da'a  
Öbayoini Eheha-U Yesu dozigö mbanua samati khö-U.  
Ubokai dödögu khö-U Yesu nahia daroma li-U.  
Taroma li-Mö lö fa'atebulö menewi ma'ökhö ba si'ogötö'ö lö sa mamalö.  
Taroma li-Mö si möi fangabölö utema'ö soroi ba dödö, tolo ba wolo'ö.

### 10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Yesaya 6:1-8 (Tuho Migu: Ni'amoni'ö, Ni'amoni'ö, Ni'amoni'ö Yehowa/Kudus, Kudus, Kuduslah Tuhan)*
  - Fanuriaigö
  - Nitanö ba dödö. *I Fetero/I Petrus 1:16b (Mi'amoni'ö ami, me no ni'amoni'ö Ndra'odo. / Kuduslah kamu, sebab Aku Kudus.)*
  - Fangandrö Fanga'aro'ö huhuo
- SATO** : Manunö : BZ. Numero 154 : 1

## 154. NO MAFONDRONDRONGO LIU <sup>2</sup>

- No mafondrondrongo li-U, Lowalangi So 'aya.  
Tanö ba dödöma ia, fa böi olifuga.  
Fahowu 'ö ia khöma, ena 'ö ohahau dödöma fefu.  
Heta ba dödö zi lö sökhi, ma'o 'ö niwa 'ö-U.

### 11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

### 12. ANGOMBAKHATA BA MBANUA NIHA KERISO

- 13. SA** : Da tafondrondrongo gangombakhata:.....

### 14. MANUNÖ

- SA** : Manunö ita moroi ba Mbuku Zinunö **numero: 287 ayati 1-2**

## 287. DA TAGOHI FA' AURIDA <sub>1</sub>

do = f 4/4

MM = 88 - 96

- Da tagohi fa ' aurida, zomasi Yesu.  
Me no ha Ya ' ia lala, ba fa ' aduhu.  
Ha khö Keriso Yesu so wa' auri sindruhu.  
Fa' auri, si lö tebulö, ba si lö aetu.
- Da tahalö fa' aurida, Keriso Yesu.  
Razo Ia ba sabölö, solaŵa udu.  
He na so zamaelungu, solohi sameta' u.  
Böi so wangiwa dödöda, ba böi ata' u.

## 15. FANGANDRÖ SALAHI + FAMATENGE + HOWUHOWU

**SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

**SH** : FAMATENGE + HOWUHOWU :  
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
 ❖ Ya mufahowu'ö ami/ita Lowalangi, Ya murorogö ami/ita  
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero 287 ayati 3

## 287. DA TAGOHI FA' AURIDA 1

do = f 4/4

MM = 88 - 96

3. Eheha zi no mogaoni, niha khö Yesu.  
 Andrö böi ya so zarörö, möi ita fefu.  
 Da taröi zi lö sökhi, ta' alui Zangorifi.  
 Tödöda tabè khö Yesu, fa Ibohouni.

**SH** : YA'AHOWU

**SATO** : YA'AHOWU